

Fafa Wa

¹ ¹ Komelbwa mumpar la, Korowii ta nyundua ne hare.
² A ge san la de hare ta mar doe, de komelbwa toole o ta. De nee to o bwa ase hare bir kpirkpir ken. De Korowii Doma lo nee la sie.

³ Belaa Korowii no, "Bor chaah." Ase bor chaah. ⁴ O na bochaah la kenjo o wer. Ase o pere bochaah la le biro la bini, ⁵ de pa bochaah la son webana ase de pa biro la ge son jwaana, ase bor jo de chaah. Onee topere waa to sie.

⁶⁻⁷ Korowii bero no, "Neé la pere ane ase ane kaa nyundua ase ane ka hare, bor cho a baah ta." Ase a magre ge.

⁸ Ase o pa bor waa cho o baah ta la son nyundua. Ase bor jo de chaah. Onee topere waa teja nee.

⁹ Belaa Korowii no, "Neé la aa ka hare la ka cho bobenkpon ase a ka hare pee cho." Ase a e ge. ¹⁰ Ase o pa hare pee la son hare de pa nee la aa cho bobenkpon la ge son mpo. De na kenjo a wer. De no, "Hare pee la le kwaa aa de e bie ne daa aa de none de do bie a bini ge a bwa soo siwi aa doa." Ase a e ge. ¹² Hare pee la le kwaa aa de e bie ne daa aa de none de do bie a bini ge a bwa soo siwi aa doa. Ase o na kenjo a wer. ¹³ Ase bor jo de chaah, onee topere waa teja tooro.

¹⁴ Ase Korowii no, "Kwaa chaah nyundua de kore webana le jwaana ta, de bagle topera ne bene ne topejena ¹⁵ dee chaah nyundua ase hare ge chaah." Ase a e ge. ¹⁶ O e konjena ane aa chaah, onjen tenten la de chaah webana, ase ono la waa jaa la gee chaah jwaana, de e weweela ge. ¹⁷ O kpo ge kwaa no bwa do nyundua ase aa chaah hare jwaana ne webana, ¹⁸ bel ee e toma jwaana bel gee e toma webana de pere biro le bochaah ta. Waa ea tone la, o na ke a wer. ¹⁹ Ase bor jo de chaah, onee topere waa teja naare.

²⁰ De bere ɲɔ, “Gel peɲa ne nee bini koŋkwaa do nee no ta pirim ase jumbii ne konggaahla do nyundua deɛ gah.”

²¹ Korowii ta mpo bini konjena ne kwaa aa lo nee bini bwa pirim ne jumbii ne konggaahla ge a bwa soo siwi aa doa. Waa taa tone la, o na ke a wer. ²² Ase o bol a waa de tea heera de ɲɔ, “Hé logle de ware de su neerare ne mpo ase jumbii ne konggaahla la ge logle de su hare.” ²³ Ase bor jo de chaah, onee toperere waa teɲaa nue.

²⁴ Ase Korowii ɲɔ, “Gel hweera kwaa bwa soo siwi ba hare no ta, kpoɲ bini ola ne kondeera ne anola aa de tuugi tea ta ne anola aa de huuh, a bwa ne a soo siwi.” ²⁵ Waa na kwaa waa taa la, o nao keɲo a wer.

²⁶ Belaa Korowii ɲɔ, “Hé gel ya ta nen o do ge yaa doa no de ɛ nomoa deɛ di kpegri hweera kwaa yaa taa no bwa ne.”

²⁷ Anomanta o ta newenyini. Ge o tenten aa doa laanee o ma ba. Baa ne haahnee o ta, ²⁸ de bol ba waa de tee ba heera ɲɔ, “Hé logle de su hare no ta pirim ase de ɛ nomoa deɛ di kpegri peɲa aa lo mpo ta ne jumbii ne konggaahla aa lo nyundua ne komelbwa waa de vale hare no ta ne.” ²⁹ De ɲɔ, “N te heyaa kwaa aa de ɛ bie ne daa aa de none de do bie a bini hare no bwa ta ase a ɛ kondikwaa te heya, ³⁰ de kpo kpoɲa ne papooni de te ola ne jumbii ne kwaa aa de tuugi tea ta ne ano la aa de huuh ne hweera kon te belbwa ase a ɛ a kondikwa.” Ase a ɛ ge.

³¹ Korowii ta sie nyiɲi kwaa waa ea la bwa de na keɲo a bwa wer keredɛ. Ase bor jo de chaah, onee toperere waa teɲa numel.

2 ¹ Gee a do Korowii ta nyundua ne hare ne komelbwa aa lo o ta de tone, ² ase tope nuane te ta la, o one de le o toma waa ea la ta. ³ Anomanta o ba heera ne tope nuane te la ta de eo topedeege dekalkeɲo o taa o one de le kwaa waa taa la bwa sekwaraa ta. ⁴ Korowii aa ta hare ne nyundua la, ⁵ de konuula ne kpoɲa ne daa ta o ta lee, dekalkeɲo de o ta bwaala neɛ do a ta moɔ. De nomelbwa ge toole de pare hare la. ⁶ Nee bula deɛ le hare la bobelbwa de yon deɛ pweh hare la bwa. ⁷ Ase Korowii kpo teera de ma newenyini, de hwee do o mee bini, o ɛ nen de so.

⁸ Korowii ε bodεεge de du konuula weeleebor pera bobel baa de yere bela Eden de kpo nen waa tao la ka so bela. ⁹ O gelo daa bwa soo siwi le bela de do wer siwi ta de do pela kejo nen di. Daa ane ane chege konuula la baah ta. Bel de te mkpa, bel gee te liire de gel nen jeme wedεega ne anchoga.

¹⁰ Nee bel cho Eden de pale kpo konuula la baah ta deε sooh hare la. Waa le bela la o pegri bore anaare. ¹¹ Ono la waa to sie la sone Pison. O palo de goli kpo Havila hare ta. ¹² Suugaswem tenten ne bwedεega ne daawiile a sooh aa soma lo bela. ¹³ O kpale neete la sone Gehon. O palo de goli kpo Kus hare ta. ¹⁴ O kpale tooro te la ge sone Tigris. O palo deε kaa Asiiira weeleebor pera. Ase naare te la ge sone Yufretis.

¹⁵ Belaa Korowii kpo nen waa tao la ka so Eden bodεεge bela konuula aa lo bela la ta de jo wee pare deε nyinji bela. ¹⁶ Ase o jao jo, "Hee wonoo di daa la belbwa sese non. ¹⁷ Ke be ono la waa de te liire de gel nen jeme wedεega ne anchoga la te non di. Awola haa di a ge daa la non la bel la, sewaa hee ba sewa."

¹⁸ Ase Korowii jo, "Aa were kejo baa la gbo so. Mee ma o donje ja o nee ase wee chao." ¹⁹ O kpo teera de ma ola ne jumbii mo de ma baa la. Ase o kpo a bwa ba baa la be de jo o paa sona. Ge waa yere kon la belbwa, o sonee. ²⁰ Baa la pa kwaa la bwa sona. Ke de o te ta o don waa chao deε ja o ne.

²¹ Anomanta o gelo baa la cho dom ka gare, o laa o kpankpambi benkpon kpo de kpo ol to bela. ²² O kpankpambi la waa kpoa la, o kpo ka ma haah de kpo ba te baa la ²³ Ase baa la jo, "Yoo! Taraken te, n gbagba hog ne n bo-olii no. O sone haah. Baa binii o le." ²⁴ A waa gela baa yon gel o nya ne o mee de kpo haah ba yon pe so de ε benkpon la.

²⁵ De baa la ne o haah la bwa de vale mumgbal ke de sihih aa ban kpo.

3 ¹ Ola la Korowii aa taa la bini la, de harekon sie pilo gwaa a bwa. O baa pɛɛ haah la ɲo, “Kpelaa Korowii ɲo he be daa no belbwa non di naa?” ² Ase haah la chaɲo ɲo, “Dé ya won daa no belbwa nona dii. ³ Atane keɲo onɔ waa chege konduula no baah tenten no, dé ya be o te lege a ba e keɲo yaa di o nonɛɛ. Ya diu waa, yaa sewɔɔ.”

⁴ Belaa harekon la ɲo haah la be ɲo, “Nyosoneɛ. Haa sewa ba. ⁵ Korowii jemo keɲo de he di daa la non aa, he sie de ba pila he jeme wedɛɛga ne anchoga ke on ken. A waa o ɲo he be di la.”

⁶ De haah la nao keɲo daa la non la ge wer siwi ta de do wer ne dii, dɛɛ te wejema ge ja. Anomanta o hanɔ kahone de cha ane di de kpɔ ane ka te o jaa ge o di. ⁷ Bug la ta baa dia tone la, ba bwa sie pilo, ba na keɲo ba chege mumgbal. Anomanta ba nyin ɔg papooni de nyara de kpɔ li.

⁸ Awola jomɔra ne la, ba noo ke Korowii de vale daa la baah ta ase ba chwa ka soh ban pera daa la bini ase o be ban na. ⁹ Anee Korowii yere baa la ɲo, “Lee he dɔɔ.”

¹⁰ O seh de ɲɔ, “Oo! Maa no he gbɔga ke he de ba ya be la, n ɔmɔ de ka sɔh dekalke n chege mumgbal.”

¹¹ Anee Korowii pɛɛro ɲɔ, “Umee ɲɔ he be ɲɔ he chege mumgbal ɔ? He di daa la maa kaeh ɲɔ he be o non di la kee?”

¹² Anee baa la ɲɔ, “ɔɔh. Haah la haa kpɔɔ ja n nee la, once te me bel n di.”

¹³ Belaa Korowii pɛɛ haah la ɲɔ, “Ereɛ he e ge nɔɔ?”

Anee haah la ɲɔ, “Harekon la, once negre me ase n di.”

¹⁴ Belaa Korowii ɲɔ harekon la be ɲɔ, “Ge haa ea nɔ, mee taahnee ase a do kpegri tee gwaa kpɔg bini ola ne kondɛera bwa. He tea taa hee ba tuuga deɛ di teera ka tel he serewe bena. ¹⁵ Mee kpɔ danchɔgee ta he ne haah la baah ta, ase he naanar ne o naanar hah dɔɲa deɛ la. San belbwa waa nae la, wee pagre he nyuu, ase he ge choge o nalume.”

¹⁶ Haah la ge la, Korowii ɲɔ o be ɲɔ, “Weweele binii hee ba tea kpona de lɔle bonyega bini. Anɔ bwa habɔɔ la, he sie ee begre he jaa nee, ase o di kpegri he ne.”

¹⁷ De ɲɔ baa la be ɲɔ, “Haa no he haah nyoa de di daa non maa kaeh ɲɔ he be di ɲɔ, mɛɛ chɔg hareɛ ta he nɛ. Bowɔbee heɛ ba kweena mɔɔ de di kwaa he mkpa bini bwa ¹⁸ Soɔhne ne kpɔgaa deɛ ba o ta lee tɛɛ ase heɛ di he par nyoa kondikwa. ¹⁹ Heɛ kwee bowɔbee mɔɔ de di kwaa ka tel kɛɲɔ haa bere kaa teera maa kpɔa mae la bini. Teera nee n mae, teera binii he bere ba kaala.” ²⁰ De baa la sɔne Adam. O pa haah la ge sɔn Hawa dekalkeɲɔ on deɛ ba newenyina bwa nya ɛɛ. ²¹ Ase Korowii kpɔ ol tɔne tɛɛ ba ba kpɔ tɔ ba bwara. ²² Belaa Korowii ɲɔ, “Name nen la jeme wedɛɛga ne wechɔga kɛɲɔ yan. Ya nyiɲi kerɛde o be daa waa de tɛ mkpa la te non ba tor di de do le saɲ belbwa.” ²³ Anomanta Korowii donɲu le Eden bodɛɛge bela de gel o kaa parɛ hare waa mao le o ta la ta. ²⁴ Waa donɲi nen la le bela la, o kpɔ nyundua toroma baa de yer ba Kerubim ne tokobii bel waa de nyegle kɛ ninlao deɛ begre bobelbwa de ka cheg Eden weeleebɔr pera ase nomelbwa be won do bɔr di mkpa daa la nona.

© Wycliffe Bible Translators 1997

OR-MO-98-01-1000

We acknowledge with thanks the funds that were provided by Wycliffe Bible Translators of the U.S.A. for the production of this book.

We acknowledge with thanks that the illustrations in this book are used by permission of Cook Communications Ministries International, 4050 Lee Vance View, Colorado Springs, CO 80918.



Printed by
Ghana Institute of Linguistics,
Literacy and Bible Translation
P.O. Box 378
Tamale, N/R
Ghana